

**Завод за планирање,
пројектовање и развој
Брчко дистрикта
Босне и Херцеговине**



**Zavod za planiranje,
projektovanje i razvoj
Brčko distrikta
Bosne i Hercegovine**

Луцка 2, 76 100 Брчко Дистрикт БиХ
Телефон: 049/580-950

www.zavod.ba
info@zavod.ba

Lučka 2, 76 100 Brčko Distrikt BiH
Telefon: 049/580-950

Broj predmeta: 06-891/23

Broj akta: 06-953/23

**PLAN ZA BORBU PROTIV KORUPCIJE ZAVODA ZA PLANIRANJE
PROJEKTOVANJE I RAZVOJ BRČKO DISTRIKTA BOSNE I HERCEGOVINE
2023.-2024. GODINA**

Brčko, novembar 2023. godine

SADRŽAJ:

- OSNIVANJE I STATUS ZAVODA ZA PLANIRANJE PROJEKTOVANJE I RAZVOJ BRČKO DISTRIKTA BIH.....3
- DJELATNOSTI ZAVODA ZA PLANIRANJE PROJEKTOVANJE I RAZVOJ BRČKO DISTRIKTA BIH.....3
- ORGANIZACIONA STRUKTURA ZAVODA.....5
- DEFINICIJA KORUPCIJE.....6
- ZAKONODAVNI OKVIR U BORBI PROTIV KORUPCIJE U
• BRČKO DISTRIKTU BIH.....6
- STRATEŠKI OKVIR ZA BORBU PROTIV KORUPCIJE
• U BRČKO DISTRIKTU BIH.....
- MEĐUNARODNI DOKUMENTI U OBLASTI BORBE PROTIV
KORUPCIJE.....7
- PLAN ZA BORBU PROTIV KORUPCIJE ZAVODA ZA PLANIRANJE
PROJEKTOVANJE I RAZVOJ BRČKO DISTRIKTA BIH 2023.-2024.
GODINA.....7
- TABELARNI PREGLED AKTIVNOSTI ZA SPROVOĐENJE PLANA ZA BORBU
PROTIV KORUPCIJE ZAVODA.....8

PLAN ZA BORBU PROTIV KORUPCIJE ZAVODA ZA PLANIRANJE PROJEKTOVANJE I RAZVOJ BRČKO DISTRIKTA BiH 2023.-2024. GODINA

OSNIVANJE I STATUS ZAVODA ZA PLANIRANJE PROJEKTOVANJE I RAZVOJ BRČKO DISTRIKTA BiH

Zakonom o planiranju, projektovanju i razvoju Brčko distrikta BiH ("Službeni glasnik Brčko distrikta BiH" broj: 12/19, 23/19, 34/19, 24/20, 03/21 i 21/22, u daljem tekstu: Zakon)) osnovan je Zavod za planiranje, projektovanje i razvoj Brčko distrikta BiH (u daljem tekstu: Zavod), utvrđene su djelatnosti, zadaci, obaveze i ovlaštenja Zavoda, organi upravljanja i rukovođenja Zavodom, prava i obaveze Zavoda, nadzor nad radom Zavoda i druga pitanja značajna za funkcionisanje Zavoda i planiranje, projektovanje i razvoj Brčko distrikta Bosne i Hercegovine. Kako je regulisano pomenutim Zakonom, Zavod je pravno lice s pravima, obavezama i odgovornostima utvrđenim Zakonom, statutom Zavoda, podzakonskim aktima, aktima osnivača i drugim opštim aktima Zavoda. Osnivač Zavoda je Brčko distrikt BiH a prava osnivača ostvaruje Skupština Brčko distrikta BiH.

Zakonom je takođe propisano da se Zavod osniva s ciljem osiguranja profesionalne funkcije integrisanog društveno-ekonomskog i prostornog planiranja Distrikta, kao i s ciljem izrade projektne dokumentacije za izgradnju, rekonstrukciju i održavanje komunalne i saobraćajne infrastrukture i javnih objekata Distrikta. Sjedište Zavoda je u Brčko distriktu BiH.

Rad Zavoda je javan. Organ upravljanja Zavodom je Upravni odbor, a organ rukovođenja je direktor Zavoda koji ima dva zamjenika.

Zavod je samostalan u svom radu te svoj rad zasniva na načelima zakonitosti, transparentnosti, javnosti, odgovornosti, učinkovitosti, stručnosti, ekonomičnosti, profesionalnoj nepristrasnosti i političkoj nezavisnosti.

Statutom kao najvišim unutrašnjim pravnim aktom Zavoda propisano je da Zavod čine tri sektora kao unutrašnje organizacione jedinice i to: Sektor za planiranje društveno-ekonomskog razvoja i zajedničke poslove, Sektor za prostorno planiranje i Sektor za izradu investiciono-tehničke dokumentacije, nadzor i koordinaciju realizacije projekata.


DJELATNOSTI ZAVODA ZA PLANIRANJE PROJEKTOVANJE I RAZVOJ BRČKO DISTRIKTA BiH

Zakonom su definisane djelatnosti Zavoda a to su:

1. izrada dokumenata prostornog planiranja Distrikta (strategija prostornog razvoja Distrikta, prostorni plan Distrikta, urbanistički plan, provedbeni planovi: zoning plan, regulacioni plan, urbanistički projekat, plan parcelizacije) u skladu sa odlukama nadležnih tijela;
2. izrada strategija i planova društveno-ekonomskog razvoja Distrikta, izrada planova i projektne dokumentacije za izgradnju, sanaciju i rekonstrukciju komunalne, putne infrastrukture i javnih objekata i javnih površina, kao i planova uređenja građevinskog zemljišta;
3. stručno-tehnička priprema za izradu godišnjeg programa za donošenje prostorno-planske dokumentacije i planova društveno-ekonomskog razvoja;
4. izrada elaborata o urbanističko-tehničkim uslovima i davanje stručnog mišljenja na zahtjev nadležnih tijela;
5. izrada sektorskih studija, planova i elaborata;
6. izrada projekata uređenja i infrastrukturnog opremanja poslovnih zona u koordinaciji s nadležnim tijelima javne uprave;

7. učestvovanje u pripremi propisa iz oblasti prostornog uređenja i građenja (zakona i podzakonskih akata);
8. iniciranje rješavanja imovinskopravnih odnosa radi realizacije infrastrukturnih projekata predviđenih kapitalnim proračunima Distrikta, u saradnji s nadležnim odjeljenjima;
9. podrška nadležnim tijelima javne uprave na pripremi i predlaganju kapitalnog budžeta i drugih investicionih planova utvrđenih strateškim planovima Distrikta;
10. podrška za pribavljanje svih potrebnih saglasnosti, dozvola i rješenja za građenje, u saradnji s nadležnim tijelom javne uprave;
11. osigurava elaborate o geomehaničkom ispitivanju terena za gradnju samo za izradu prostorno-planske dokumentacije;
12. vrši arhitektonsko i inženjersko savjetovanje;
13. stručna podrška nadležnim tijelima javne uprave razvoju geografskoinformacionog sistema Distrikta u oblasti planiranja, razvoja, izgradnje, rekonstrukcije i sanacije javnih objekata i komunalne infrastrukture;
14. upravljanje bazama podataka iz nadležnosti Zavoda;
15. osiguravanje nužnih podataka o komunalnim uređajima i komunalnoj infrastrukturi potrebnih za izradu projekata i planova infrastrukture;
16. izrada projektne dokumentacije i planova u postupku zaštite objekata kulturnog i historijskog značaja i prirodnog naslijeđa;
17. obavljanje poslova izdavanja časopisa i periodičnih publikacija iz oblasti prostornog uređenja i urbanizma;
18. obavljanje poslova projektantskog nadzora izgradnje infrastrukturnih i građevinskih objekata;
19. pružanje konzultantskih usluga u oblasti planiranja, projektovanja i vođenja investicija;
20. vršenje drugih stručnih poslova utvrđenih zakonom i drugim propisima koji se odnose na oblast planiranja, kao i poslova koje mu odredi osnivač ili Vlada.

ORGANIZACIONA STRUKTURA ZAVODA



DEFINICIJA KORUPCIJE

Zakonom o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“ broj: 25/18), korupcija je definisana kao svaka zloupotreba moći povjerena javnom službeniku i licu na političkom položaju, poslodavcu i radniku, koja može dovesti do privatne koristi tog lica, ili bilo kojeg drugog fizičkog ili pravnog lica. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita.

ZAKONODAVNI OKVIR U BORBI PROTIV KORUPCIJE U BRČKO DISTRIKTU BIH

Zakoni koji direktno ili indirektno regulišu oblast borbe protiv korupcije u Brčko distriktu BiH su:

1. Zakon o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“ broj: 25/18);
2. Zakon o zaštiti lica koja prijavljuju korupciju („Službeni glasnik Brčko distrikta BiH“ broj: 25/18);
3. Zakon o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13);
4. Zakon o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta BiH“ broj: 04/21);
5. Zakon o službenicima i namještenicima u pravosuđu Brčko distrikta Bosne i Hercegovine („Službeni glasnik Brčko distrikta BiH“ broj: 13/23-prečišćen tekst)
6. Zakon o slobodi pristupa informacijama u Bosni i Hercegovini („Službeni glasnik BiH“ broj: 28/00,45/06,102/09, 62/11 i 100/13);
7. Krivični zakon Brčko distrikta Bosne i Hercegovine („Službeni glasnik Brčko distrikta BiH“ broj: 19/20-prečišćen tekst);
8. Zakon o krivičnom postupku Brčko distrikta BiH („Službeni glasnik Brčko distrikta BiH“ broj: 33/13-prečišćen tekst, 27/14,03/19 i 16/20);
9. Zakon o finansiranju političkih stranaka iz budžeta Brčko distrikta Bosne i Hercegovine („Službeni glasnik Brčko distrikta BiH“ broj:29/04 i 14/07);
10. Izborni zakon Brčko distrikta Bosne i Hercegovine („Službeni glasnik Brčko distrikta BiH“ broj:17/08, 43/08 i 49/18);
11. Zakon o javnim nabavkama („Službeni glasnik BiH“ broj:39/14 i 59/22);
12. Zakon o sprečavanju pranja novca i finansiranju terorističkih aktivnosti („Službeni glasnik BiH“ broj:47/14 i 46/16).

STRATEŠKI OKVIR ZA BORBU PROTIV KORUPCIJE U BRČKO DISTRIKTU BIH

Strateški okvir za borbu protiv korupcije u Brčko distriktu BiH čine Strategija za borbu protiv korupcije u Brčko distriktu BiH 2022.-2024. godina i Akcioni plan za provođenje Strategije za borbu protiv korupcije u Brčko distriktu BiH. Navedene strateške dokumente usvojila je Vlada Brčko distrikta BiH na prijedlog Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH a objavljeni su u Službenom glasniku Brčko distrikta BiH broj: 43/22 od 01.12.2022. godine. Opšti cilj Strategije je da se korupcija, kao prepreka ekonomskom, socijalnom i demokratskom razvoju Brčko distrikta BiH u najvećoj mogućoj mjeri otkloni, odnosno minimizira, te da se preventivnim djelovanjem ostvari značajan doprinos smanjenju nivoa korupcije u Brčko distriktu BiH. Iz ovako formulisanog opšteg cilja proizilaze sljedeći strateški ciljevi koji se u Brčko distriktu BiH trebaju postići provođenjem Strategije:

1. prevencija korupcije,
2. suzbijanje korupcije,
3. razvijanje svijesti o štetnosti korupcije i saradnja sa civilnim društvom,
4. koordinacija, monitoring i evaluacija antikoruptivnih aktivnosti.

MEĐUNARODNI DOKUMENTI U OBLASTI BORBE PROTIV KORUPCIJE

Međunarodni dokumenti koji regulišu oblast borbe protiv korupcije su:

1. Krivično pravna konvencija o korupciji;
2. Građansko pravna konvencija o korupciji;
3. Konvencija Ujedinjenih nacija protiv transnacionalnog organizovanog kriminala (UNTOC) sa tri pripadajuća protokola;
4. Konvencija Ujedinjenih nacija protiv korupcije;
5. Konvencija Savjeta Evrope o pranju, traženju, zapljeni i konfiskaciji prihoda stečenih kriminalom i o finansiranju terorizma.

PLAN ZA BORBU PROTIV KORUPCIJE ZAVODA ZA PLANIRANJE PROJEKTOVANJE I RAZVOJ BRČKO DISTRIKTA BIH 2023.-2024. GODINA

Plan za borbu protiv korupcije Zavoda za planiranje, projektovanje i razvoj Brčko distrikta BiH (u daljem tekstu: Plan za borbu protiv korupcije Zavoda)) predstavlja dokument kojim se unutar Zavoda vrši implementacija Akcionog plana za provođenje Strategije za borbu protiv korupcije u Brčko distriktu BiH. Ovaj, veoma važan antikoruptivni dokument, sadrži set mjera i aktivnosti čiji je cilj prevencija korupcije, a koje su predviđene Akcionim planom, donosi se za period 2023.-2024. godina, što je u skladu sa vremenskim rokovima predviđenim za implementaciju aktivnosti iz Akcionog plana.

Rizici koji bi eventualno mogli uticati na uspješnu implementaciju Plana za borbu protiv korupcije Zavoda su nedovoljna angažovanost subjekata sprovođenja i nedostatak finansijskih i drugih resursa, što ćemo nastojati minimizirati.

Monitoring sprovođenja Plana za borbu protiv korupcije Zavoda podrazumijeva kontinuirano praćenje i evaluaciju provođenja pojedinačnih mjera i aktivnosti predviđenih Akcionim planom. Svrha praćenja i evaluacije je utvrđivanje stanja o uspjehu u sprovođenju predviđenih aktivnosti, i preduzimanje mjera na uspješnom otklanjanju svih prepreka ka uspješnoj implementaciji Akcionog plana, a što treba da posluži kao podloga za kreiranje novih strateških mjera čime bi integritet Zavoda bio podignut na još veći nivo a rizici od eventualne korupcije bili maksimalno umanjeni. Monitoring prevashodno podrazumijeva izvještavanje putem obrasca za izvještavanje o implementaciji Plana za borbu protiv korupcije.

U nastavku slijedi tabelarni prikaz mjera i aktivnosti predviđenih Akcionim planom a koje se odnose na sve institucije u Brčko distriktu BiH.

TABELARNI PREGLED AKTIVNOSTI ZA SPROVOĐENJE PLANA ZA BORBU PROTIV KORUPCIJE ZAVODA

STANDARDIZOVANE AKTIVNOSTI DEFINISANE AKCIONIM PLANOM					
Broj aktivnosti	Aktivnost	Provodioci	Rok za sprovođenje	Indikator uspjehnosti	Potrebni resursi
1.1.4.3.	Usvajanje i javno objavljivanje planova javnih nabavki svih institucija sa javnim ovlaštenjima u Brčko distriktu BiH	Sve institucije u Brčko distriktu BiH	Kontinuirano	Povećanje transparentnosti u postupku javnih nabavki	Raspoloživi resursi /u skladu sa funkcionalnim nadležnostima
1.1.5.3.	Podizanje svijesti i stvaranje veće netolerancije u vezi sa korupcijom kod zaposlenih u institucijama Brčko distrikta BiH	Kancelarija-kontakt tačke i njihove zamjene	Kontinuirano	Održavanje seminara, internih sastanaka, radionica, treninga i drugih podobnih oblika	Potrebna dodatna sredstva
3.1.3.2.	Donijeti Uputstvo o postupanju i saradnji javnih službenika i	Organi javne uprave i sve institucije u saradnji sa Kancelarijom	Druga godina provođenja Strategije	Usvojeno Uputstvo	Raspoloživi resursi /u skladu sa funkcionalnim nadležnostima

	drugih subjekata a u vezi sa prijavom koruptivnih radnji				
4.1.1.1.	Imenovanje kontakt i zamjenskih osoba u organima javne uprave i svim institucijama u Brčko distriktu BiH i kreirati smjernice za rad	Kancelarija, organi javne uprave i sve institucije	Prva godina provođenja Strategije	Imenovane kontakt i zamjenske osobe	Raspoloživi resursi /u skladu sa funkcionalnim nadležnostima
4.1.1.3.	Donijeti Pravilnik o internom prijavljivanju korupcije i zaštiti lica koja prijavljuju korupciju u institucijama Brčko distrikta BiH	Sve institucije Brčko distrikta BiH	Prva godina provođenja Strategije	Doneseni pravilnici	Raspoloživi resursi /u skladu sa funkcionalnim nadležnostima
4.2.1.3.	Donijeti Plan integriteta o rezultatima provedenih aktivnosti iz Akcionog plana 2022.-2024.	Sve institucije Brčko distrikta BiH	Prva godina provođenja Strategije	Doneseni planovi integriteta	Raspoloživi resursi /u skladu sa funkcionalnim nadležnostima
4.3.1.1.	Periodična evaluacija ostvarenih aktivnosti iz Akcionog plana i davanje objašnjenja zbog čega nisu ispunjene pojedine aktivnosti	Kancelarija-kontakt tačke	Najmanje jednom u dvije godine	Povećanje broja ostvarenih aktivnosti iz Akcionog plana	Raspoloživi resursi /u skladu sa funkcionalnim nadležnostima

4.3.2.2.	Provođenje obaveznog dodatnog razmatranja neizvršenih aktivnosti	Sve institucije na koje će se odnositi Akcioni plan	Treća godina provođenja Strategije	Veća produktivnost Akcionog plana	Raspoloživi resursi /u skladu sa funkcionalnim nadležnostima
----------	--	---	------------------------------------	-----------------------------------	--


DIREKTOR
 Ismet Dedeić, dipl.inž.saobr.

Dostaviti:

1. Kancelariji za prevenciju korupcije i koordinaciju aktivnosti na suzbijanju korupcije Brčko distrikta BiH;
2. Internet stranici/Oglasnoj ploči Zavoda za planiranje, projektovanje i razvoj Brčko distrikta BiH;
3. Sektoru za planiranje društveno-ekonomskog razvoja i zajedničke poslove;
4. Sektoru za prostorno planiranje;
5. Sektoru za izradu investiciono -tehničke dokumentacije, nadzor i koordinaciju realizacije projekata;
6. Evidenciji;
7. Arhivi.